

Ovo se odnosi na svakoga tko živi ili posjećuje Halland tokom pandemije

Tu su pravila kojih se morate pridržavati

Svako tko je u Švedskoj odgovoran je za neširenje bolesti COVID-19.

To se odnosi i na ljude i na preduzeća.

- Ostanite kod kuće ako imate simptome
- Susrećite se samo sa ljudima s kojima živite, ili s par prijatelja
- Održavajte distancu od drugih ljudi, izbjegavajte gužve
- Pratite prakse kontrole zaraze za sigurno putovanje
- Radite od kuće što češće možete
- Često i temeljito perite ruke

Informacije o bolesti COVID-19

Web stranica Agencije za javno zdravlje pruža informacije o COVID-19 i o tome šta možete uraditi da izbjegnute da se zarazite bolešću ili da zarazite druge. Informacije su dostupne na mnogim jezicima.

[Informacije o COVID-19 na drugim jezicima na web stranici Agencije za javno zdravlje Švedske](#)

Testirajte se na COVID-19 ako imate simptome

Dogovorite posjetu da biste se testirali ako imate simptome bolesti COVID-19. Testiranje je besplatno.

Za osobe sa švedskim osobnim identifikacionim brojem i e-identifikacijom

Možete sami obaviti test na posebnim stanicama za samotestiranje. Morate dogovoriti posjetu.

Kako zakazati sastanak za samotestiranje

1. Prijavite se na 1177.se.

Odrasli

[Prijavite se na 1177.se – samotestiranje na COVID-19](https://1177.se)

Staratelj za djecu u dobi od 6-12 godina

Kliknite na ime vašeg djeteta nakon što se prijavite. Odaberite sve druge usluge i zatim rezervišite samotestiranje na COVID-19

[Prijavite se na 1177.se – samotestiranje na COVID-19](https://1177.se)

Maldi u dobi od 13-17 godina

[Prijavite se na 1177.se – samotestiranje na COVID-19](https://1177.se)

2. Naručite testiranje.
3. Odaberite lokaciju testiranja.
4. Dogovorite posjetu.

Kako funkcioniše samotestiranje

1. Ako možete, vozite vlastiti automobil do stanice za testiranje, ili vozite bicikl, šetajte ili koristite neka druga transportna sredstva gdje ćete biti sami.
2. Osoblje ili oznake će vas uputiti gdje da čekate.
3. Morate donijeti važeću ID iskaznicu. Takođe je dobra ideja da ponesete sredstvo za dezinfekciju ruku, maramice i malo ogledalce, ako imate.
4. Ako vozite, osoblje će vam dati paket za uzorkovanje kroz vaš otvoreni prozor na vašem automobilu. Ako dolazite biciklom, pješice ili na sličan način, testiranje će se obaviti na otvorenom.

Kako dobiti rezultate testa

Primit ćete rezultate u roku od par dana putem e-usluge 1177 Care Guide. Ostanite kod kuće dok čekate na rezultate testa. Ako se simptomi pogoršaju, pozovite 1177 za savjet ili kontaktirajte svoj medicinski centar. Za akutne bolesti, pozovite 112.

Za osobe koje nemaju švedski osobni identifikacioni broj ili e-identifikaciju

Ako nemate švedski osobni identifikacioni broj, e-identifikaciju ili ako ne možete dogovoriti posjetu preko 1177.se iz bilo kog drugog razloga, možete zvati „Pandemimottagningen” (klinika za pandemiju) na broj 010-476 19 13 za testiranje. U mjestima Halmstad i Varberg se nalazi klinika za pandemiju. Takođe možete [kontaktirati](#) medicinski centar za pomoć kod testiranja.

- Testiranje se obavlja u klinici za pandemiju ili medicinskom centru
- Morate donijeti važeću ID iskaznicu
- Netko će vam pomoći da obavite test. Uzrok se uzima iz grla i nosa
- Testiranje je besplatno

Kako dobiti rezultate testa

Klinika gdje ste obavili testiranje će vas nazvati s rezultatima testa. Oni će zvati samo ako test pokazuje da imate COVID-19. Primit ćete rezultate u roku od 3 radna dana. Ostanite kod kuće dok čekate na rezultate testa. Ako se simptomi pogoršaju, pozovite 1177 za savjet ili kontaktirajte medicinski centar. Za akutne bolesti, pozovite 112.

Ako se razbolite i treba vam njega

Kada vam treba njega, kontaktirajte medicinski centar da dogovorite posjetu.

Ako imate simptome bolesti COVID-19, kontaktirajte medicinski centar prije dolaska.

Ako trebate urgentnu njegu nazovite 112.

[Medicinski centri u Hallandu](#)

Vakcinacija protiv COVID-19

Vakcinacija će se ponuditi u drugoj polovini decembra i nastaviti će širom Švedske tokom 2021. Vakcina je besplatna i oni koji imaju najveću potrebu za zaštitom od toga da postanu ozbiljno bolesni bit će vakcinisani prvi.

Trenutno je u toku planiranje o tome kako će se vakcinisanje nuditi u Hallandu. Ažurne informacije možete pronaći na 1177.se/Halland

[Vakcinacija protiv COVID-19](#)

Test antitijela pokazuje da li ste imali COVID-19

Ako ste zdravi, imate više od 18 godina i niste imali prehladu, temperaturu ili druge simptome bolesti COVID-19 barem 14 dana, možete dogovoriti posjetu za testiranje antitijela. Taj test pokazuje da li ste razvili antitijela što znači da imate određenu zaštitu od toga da se ponovo razbolite od COVID-19.

Trebate dogovoriti posjetu medicinskom centru da biste uradili test antitijela. Taj test košta 200 SEK.